

1975



2020

## Patroui-ui-ui

Frittig zobe! Wuchenänd!  
Es Bierli isch in dämm Moment  
em Schorsch si Lohn für Chrampf und Fruscht.  
Er längt in Chüelschrank voller Gluscht,  
doch läider hetts dört käis me gha.  
S'Bier stoot im Chäschtli näbedra!  
Die laui Pfütze, wo nümme schumt  
het är am Vortag falsch verrumt.  
Dr Chüelschrank isch so gsee vergäbe.  
Knapp vorbii isch au drnäbe!

Chläi spöter uf em Kanebee,  
won är sis Bier ins Glas will gee  
und drzue in Färnsee schült,  
hett dr Schorsch chläi schludrig züilt:  
Sis Hopfe dropft in d'Polschter-Gräbe  
Jä, knapp vorbii isch au drnäbe!

S'Bier duet dr Schorsch scho zimmlig reue.  
S' isch Farnsburg, das soudüüre, nöie...  
Drfür het är am Färnsee gsee,  
was är no chönnti unternee:  
D'Patrouille Suisse duet im Gedänke  
an Bider öis e Flugshow schänke!  
Am Sunntig stügg in Langebrugg  
dä Jubiläums-Überflug.

Är nimmt in Waldeburg dr Bus,  
doch z' Langebrugg stüggt är nit uss,  
verpennt und landet, s'isch dr Hohn,  
in Balscht an dr Ändstation.  
Dr Schorsch begriff, so isch halt s'Läbe,  
Fahrsch knapp vorbii, bisch glich drnäbe.

Drum fehlt dr Schorsch am Biderfescht.  
Drfür hetts prominänti Gescht.  
Lings es Häppli, rächts es Gübpli,  
so bewaffnet stiert das Grüppli  
lang, lang, lang an Himmel ufe.  
Vor Spannig trousch di chum me schnuufe,  
bis ändlich mitme lise Rusche  
wit hinde ein gsesch durehusche.  
Jä, häi öis jetz die Jets versetzt?  
Frogt sich dr Jetset ganz entsetzt.  
Dr Nationalstolz isch verletz  
und schnäll hett d'Wältpräss d'Mässer gwetzt:  
„D'Pilote häi ein an dr Waffle“,  
wird gspottet über d'Fliegerstaffle.  
Me hätt statt dere doch die alte  
Brieftuube selle bhalte!  
Die finde nämmlig immer zrugg.  
D'Patrouille nit mol Langebrugg.  
Die isch doch voll desorientiert.  
Em Bider wer das nie passiert!  
Dä dreit sich jetz im Grab um, schnäll  
als uf sim Alpeflug d'Propäll.  
„Käi Tschii Pii Ess“, erklär'sch vergäbe.  
Uf Sicht vorbii isch glich drnäbe!

So het die Staffle, s'isch verschisse,  
s'Land in e tiefi Flugscham grisse.  
Verfehlsch dis Züil au nur um wenig,  
scho bisch dr Trottel statt dr König,  
Vom Liebling wirsch zum Idiot.  
So goots nit nur em Jetpilot:  
Als Ma settisch bim Brünzle sitze,  
statt stehend näbedure sprütze  
Dr Binggeli (wie au dr Stocker)  
verpasst huchdünn dr Gmeinrotshocker.  
Z'Lieschtel goot chläi Gaggiwasser  
näbedure, scho wird's krasser!  
In Wimbledon em Federer  
fehlt nur ei Santimeterer!  
(Du gsesch: au die wo Zeedel dichte  
chöi d'Riim nit immer suber richte)  
Und dr Trump duet, wenn nit lüege  
doch ämmel d'Wooret arg verbiege.  
Das goot gar nit, muesch do säge  
au knapp vorbii isch voll drnäbe!

Und öise Schorsch in Balscht unde?  
Är hett e Plan B erfunde:  
„Wenn ich scho do bi, isch's dank gschüider  
i faar grad none bitzli witer  
uf Mümliswil ans Jodlerfescht“.  
...Jä, knapp vorbi isch mängisch s'bescht!

**Wetsch au piffle oder drummler? Mir leere Dirs gärn!**  
Chumm an d'Ischribig am 12. März in Zunzge.  
Oder kontaktier is diräkt: [www.wurlitzer-clique.ch](http://www.wurlitzer-clique.ch)

1975



2020

## Patroui-ui-ui

Frittig zobe! Wuchenänd!  
Es Bierli isch in dämm Moment  
em Schorsch si Lohn für Chrampf und Fruscht.  
Er längt in Chüelschrank voller Gluscht,  
doch läider hetts dört käis me gha.  
S'Bier stoot im Chäschtli näbedra!  
Die laui Pfütze, wo nümme schumt  
het är am Vortag falsch verrumt.  
Dr Chüelschrank isch so gsee vergäbe.  
Knapp vorbii isch au drnäbe!

Chläi spöter uf em Kanebee,  
won är sis Bier ins Glas will gee  
und drzue in Färnsee schült,  
hett dr Schorsch chläi schludrig züilt:  
Sis Hopfe dropft in d'Polschter-Gräbe  
Jä, knapp vorbii isch au drnäbe!

S'Bier duet dr Schorsch scho zimmlig reue.  
S' isch Farnsburg, das soudüüre, nöie...  
Drfür het är am Färnsee gsee,  
was är no chönnti unternee:  
D'Patrouille Suisse duet im Gedänke  
an Bider öis e Flugshow schänke!  
Am Sunntig stügg in Langebrugg  
dä Jubiläums-Überflug.

Är nimmt in Waldeburg dr Bus,  
doch z' Langebrugg stüggt är nit uss,  
verpennt und landet, s'isch dr Hohn,  
in Balscht an dr Ändstation.  
Dr Schorsch begriff, so isch halt s'Läbe,  
Fahrsch knapp vorbii, bisch glich drnäbe.

Drum fehlt dr Schorsch am Biderfescht.  
Drfür hetts prominänti Gescht.  
Lings es Häppli, rächts es Gübpli,  
so bewaffnet stiert das Grüppli  
lang, lang, lang an Himmel ufe.  
Vor Spannig trousch di chum me schnuufe,  
bis ändlich mitme lise Rusche  
wit hinde ein gsesch durehusche.  
Jä, häi öis jetz die Jets versetzt?  
Frogt sich dr Jetset ganz entsetzt.  
Dr Nationalstolz isch verletz  
und schnäll hett d'Wältpräss d'Mässer gwetzt:  
„D'Pilote häi ein an dr Waffle“,  
wird gspottet über d'Fliegerstaffle.  
Me hätt statt dere doch die alte  
Brieftuube selle bhalte!  
Die finde nämmlig immer zrugg.  
D'Patrouille nit mol Langebrugg.  
Die isch doch voll desorientiert.  
Em Bider wer das nie passiert!  
Dä dreit sich jetz im Grab um, schnäll  
als uf sim Alpeflug d'Propäll.  
„Käi Tschii Pii Ess“, erklär'sch vergäbe.  
Uf Sicht vorbii isch glich drnäbe!

So het die Staffle, s'isch verschisse,  
s'Land in e tiefi Flugscham grisse.  
Verfehlsch dis Züil au nur um wenig,  
scho bisch dr Trottel statt dr König,  
Vom Liebling wirsch zum Idiot.  
So goots nit nur em Jetpilot:  
Als Ma settisch bim Brünzle sitze,  
statt stehend näbedure sprütze  
Dr Binggeli (wie au dr Stocker)  
verpasst huchdünn dr Gmeinrotshocker.  
Z'Lieschtel goot chläi Gaggiwasser  
näbedure, scho wird's krasser!  
In Wimbledon em Federer  
fehlt nur ei Santimeterer!  
(Du gsesch: au die wo Zeedel dichte  
chöi d'Riim nit immer suber richte)  
Und dr Trump duet, wenn nit lüege  
doch ämmel d'Wooret arg verbiege.  
Das goot gar nit, muesch do säge  
au knapp vorbii isch voll drnäbe!

Und öise Schorsch in Balscht unde?  
Är hett e Plan B erfunde:  
„Wenn ich scho do bi, isch's dank gschüider  
i faar grad none bitzli witer  
uf Mümliswil ans Jodlerfescht“.  
...Jä, knapp vorbi isch mängisch s'bescht!

**Wetsch au piffle oder drummler? Mir leere Dirs gärn!**  
Chumm an d'Ischribig am 12. März in Zunzge.  
Oder kontaktier is diräkt: [www.wurlitzer-clique.ch](http://www.wurlitzer-clique.ch)

1975



2020

## Patroui-ui-ui

Frittig zobe! Wuchenänd!  
Es Bierli isch in dämm Moment  
em Schorsch si Lohn für Chrampf und Fruscht.  
Er längt in Chüelschrank voller Gluscht,  
doch läider hetts dört käis me gha.  
S'Bier stoot im Chäschtli näbedra!  
Die laui Pfütze, wo nümme schumt  
het är am Vortag falsch verrumt.  
Dr Chüelschrank isch so gsee vergäbe.  
Knapp vorbii isch au drnäbe!

Chläi spöter uf em Kanebee,  
won är sis Bier ins Glas will gee  
und drzue in Färnsee schült,  
hett dr Schorsch chläi schludrig züilt:  
Sis Hopfe dropft in d'Polschter-Gräbe  
Jä, knapp vorbii isch au drnäbe!

S'Bier duet dr Schorsch scho zimmlig reue.  
S' isch Farnsburg, das soudüüre, nöie...  
Drfür het är am Färnsee gsee,  
was är no chönnti unternee:  
D'Patrouille Suisse duet im Gedänke  
an Bider öis e Flugshow schänke!  
Am Sunntig stügg in Langebrugg  
dä Jubiläums-Überflug.

Är nimmt in Waldeburg dr Bus,  
doch z' Langebrugg stüggt är nit uss,  
verpennt und landet, s'isch dr Hohn,  
in Balscht an dr Ändstation.  
Dr Schorsch begriff, so isch halt s'Läbe,  
Fahrsch knapp vorbii, bisch glich drnäbe.

Drum fehlt dr Schorsch am Biderfescht.  
Drfür hetts prominänti Gescht.  
Lings es Häppli, rächts es Gübpli,  
so bewaffnet stiert das Grüppli  
lang, lang, lang an Himmel ufe.  
Vor Spannig trousch di chum me schnuufe,  
bis ändlich mitme lise Rusche  
wit hinde ein gsesch durehusche.  
Jä, häi öis jetz die Jets versetzt?  
Frogt sich dr Jetset ganz entsetzt.  
Dr Nationalstolz isch verletz  
und schnäll hett d'Wältpräss d'Mässer gwetzt:  
„D'Pilote häi ein an dr Waffle“,  
wird gspottet über d'Fliegerstaffle.  
Me hätt statt dere doch die alte  
Brieftuube selle bhalte!  
Die finde nämmlig immer zrugg.  
D'Patrouille nit mol Langebrugg.  
Die isch doch voll desorientiert.  
Em Bider wer das nie passiert!  
Dä dreit sich jetz im Grab um, schnäll  
als uf sim Alpeflug d'Propäll.  
„Käi Tschii Pii Ess“, erklär'sch vergäbe.  
Uf Sicht vorbii isch glich drnäbe!

So het die Staffle, s'isch verschisse,  
s'Land in e tiefi Flugscham grisse.  
Verfehlsch dis Züil au nur um wenig,  
scho bisch dr Trottel statt dr König,  
Vom Liebling wirsch zum Idiot.  
So goots nit nur em Jetpilot:  
Als Ma settisch bim Brünzle sitze,  
statt stehend näbedure sprütze  
Dr Binggeli (wie au dr Stocker)  
verpasst huchdünn dr Gmeinrotshocker.  
Z'Lieschtel goot chläi Gaggiwasser  
näbedure, scho wird's krasser!  
In Wimbledon em Federer  
fehlt nur ei Santimeterer!  
(Du gsesch: au die wo Zeedel dichte  
chöi d'Riim nit immer suber richte)  
Und dr Trump duet, wenn nit lüege  
doch ämmel d'Wooret arg verbiege.  
Das goot gar nit, muesch do säge  
au knapp vorbii isch voll drnäbe!

Und öise Schorsch in Balscht unde?  
Är hett e Plan B erfunde:  
„Wenn ich scho do bi, isch's dank gschüider  
i faar grad none bitzli witer  
uf Mümliswil ans Jodlerfescht“.  
...Jä, knapp vorbi isch mängisch s'bescht!

**Wetsch au piffle oder drummler? Mir leere Dirs gärn!**  
Chumm an d'Ischribig am 12. März in Zunzge.  
Oder kontaktier is diräkt: [www.wurlitzer-clique.ch](http://www.wurlitzer-clique.ch)